

Orémus.

Omnípotens et miséricors Deus, qui sacerdotibus tuis tantam præ ceteris grátiam contulisti, ut quidquid in tuo nómine digne, perfectéque ab iis ágitur, a te fieri credátur: quæsumus imménsam cleméntiam tuam; ut quidquid modo visitatúri sumus, vísites, et quidquid benedictúri sumus, benedícas, sitque ad nostræ humilitátis intróitum, Sanctórum tuórum méritis, fuga inimíci, Angeli pacis ingrèssus.

Dómine sancte, Pater omnípotens, per intercessiónem sanctórum Ignátii et Aloísii béne **✠** dic domum istam, béne **✠** dic intróitum nostrum, béne **✠** dic ingrèssum pedum nostrórum: sicut dignátus es domum Patriarchárum Abraham, Isaac, et Jacob benedícere. Per Christum Dóminum nostrum.

R. Amen.

Nunc sequitur ingressus. Officians intrando amplius Scholæ cubiculum, cantat:

V. Pax huic dómui.

Chorus respondet:

R. Et ómnibus habitántibus in ea.

Progrediens cum Clero et choro ad mensam linteo albo tectam, in qua inter duos cereos accensos Crucifixi imago est posita, cantat:

V. Dómine, exaúdi oratióem meam.

R. Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

Exáudi nos, Dómine sancte, Pater omnípotens, ætérne Deus: et mittere dignéris sanctum Angelum tuum de cœlis, qui custódiat, fóveat, prótegat, vísitet, atque deféndat omnes habitántes, docéntes et discéntes in hoc habitáculo. Per Christum Dóminum nostrum. **R.** Amen.

Orémus.

Dómine Jesu Christe, qui discípulis tuis dixisti: In quamcúmque domum intravéritis, salutáte eam, dicéntes: Pax huic dómui; véniat quæsumus, pax illa super hanc domum, instituendæ juventúti destinátam, et super omnes habitántes, docéntes et discéntes in ea; et eos, Dómine, ab omni infirmitáte erípere, et liberáre dignéris: reple docéntes in ea spíritu sciéntiæ, sapiéntiæ, et timóris tui; reple discéntes in ea grátia tua, ut, quæ salutáriter et útiliter edocéntur, intelléctu cápian, corde retíneant, ópere exsequántur, et in ómnibus nomen tuum honorificétur. Ad intróitum ergo nostrum benedícere, et sanctificáre dignéris hanc scholam, et intra parietes domus istíus Angeli tuæ lucis hábitent, eámque et in ea habitántes, docéntes et discéntes custódiant. Per Christum Dñm nostrum. **R.** Amen.

Postea Officians intonat Antiphonam: Adspérges me, et chorus prosequitur, ut supra, pag. 41*. Interim fit adpersio cubiculi aqua benedicta. Reversus ad mensam, Officians imponit thus in thuribulum, et benedicit illud, dicens:

Per intercessiónem sancti Michaélis Archángeli, stantis a dextris altáris incénsi, et ómnium sanctórum Angelórum, incénsum istud dignéris, Dómine, bene **✠** dicere, et in odórem suavitátis accípere. Per Christum Dñm nostrum. **R.** Amen.

Hoc dicto, sumit Officians thuribulum, et incensat cubiculum, choro cantante tono Psalmi:

Incénsum istud, a te benedíctum, adscéndat ad te, Dómine: et descéndat super nos misericórdia tua.

Psalmus 140.

Dirigátur, Dómine, orátio mea, sicut incénsum in conspéctu tuo: * elevátio mánuum meárum, sacrificium vespertinum.

Pone, Dómine, custódiam ori-

meo: * et óstium circumstántiæ lábiis meis.

Non declínet cor meum in verba malitiæ, * ad excusándas excusatiónes in peccátis. Glória Patri.

Incensatione peracta, Officians stans coram imagine Crucifixi, cantat:

V. Dóminus vobíscum.

R. Et cum spírítu tuo.

Orémus.

Vísita, quæsumus Dómine, habitatióem istam, et omnes insídiás inimíci ab ea longe repélle: Angeli tui sancti hábitent in ea, qui omnes hic habitántes, docéntes et discéntes in pace custódiánt, et benedíctio tua super illos sit semper.

Béne ✠ dic, Dómine, domum istam, et sit ibi sánitas, sánctitas, virtus et glória, humílitás, bónitás, mansuetúdo, lénitas, docílitás, et plenitúdo legis, obediéntia et gratiárum áctio Deo Patri, et Fílio, et Spírítui sancto. Et hæc benedíctio sit super hanc domum et locum istum: atque super omnes habitántes, docéntes et discéntes in eo descéndat septifórmis grátia Spírítus sancti. Per Christum Dóminum nostrum. **R.** Amen.

Officians nunc affigit sanctam Crucem in loco apto cubiculi, dicendo:

Signum salútis impóne, Dómine, super hanc domum: et non permíttas introíre in eam ángelum percutiéntem. In nómine Pa ✠ tris, et Fí ✠ lii, et Spírítus ✠ sancti. **R.** Amen.

Versus Crucem:

Orémus.

Omnípotens, sempitérne Deus, qui in omni loco dominatiónis tuæ totus assístis, solus operáris: adésto supplicatióibus nostris, ut hujus domus sis protéctor, et nulíla hic nequítia contráriæ potestátis obsístat; sed in virtúte sanctæ crucis et operatióne Spírítus sancti fiat tibi hic purum servítium, et devóta libértas exsístat. Per Christum Dóminum nostrum. **R.** Amen.

Orémus.

Adésto nobis, Dómine Deus noster: et eos qui in sanctæ crucis præsidio confidunt, perpétuis défende auxiliis. Per Christum Dóminum nostrum.

R. Amen.

Tandem benedicit Officians cubiculo et omnibus præsentibus manu dextera, formans signum crucis, et dicens:

Benedíctio Dei omnipoténtis, Pa ✠ tris, et Fí ✠ lii, et Spírítus ✠ sancti, descéndat super hanc domum, super omnes habitántes, docéntes et discéntes in ea, super nos omnes, et máneat semper.

R. Amen.

His finitis sub cantu juventutis et pulsu campanarum processionaliter fit redivus in Ecclesiam statuto ordine, ubi celebratur Missa conveniens Officio diei.

Benedictio primarii lapidis ædificii.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum. **R.** Et cum spírítu tuo.

Orémus.

Deus, a quo omne bonum sumit inítium, et semper ad potióra progrédiens percipit incrementum: concéde quæsumus, supplicántibus nobis; ut quod ad laudem nóminis tui inchoáre aggredimur, ætérno tuæ patérnæ sapiéntiæ múnere perducátur ad términum. Per Christum Dóminum nostrum. **R.** Amen.

Benedictio viæ ferreæ et curruum.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum. **R.** Et cum spírítu tuo.

Orémus.

Qmnípotens sempitérne Deus, qui ómnia elementa ad tuam glóriam, utilitatémque hóminum condidísti: dignáre, quæsumus, hanc viam férream, ejúsque instruménta bene ✠ dicere, et benigna semper tua providéntia tuéri; ut dum fámuli tui velóciter próperant in via, in lege tua ambulántes, et viam mandatórum tuórum curréntes, ad coeléstem pátriam feliciter pervenire váleant. Per Christum Dóminum nostrum. **R.** Amen.

Orémus.

Propitiáre Dómine Deus supplicatióibus nostris, et béne ✠ dic currus istos dextera tua sancta: adjúnge ad ipsos sanctos Angelos tuos, ut omnes qui in eis vehéntur, líberent et custódiant semper a periculis univérsis: et quemádmódu viro Æthiopi super currum suum sedénti, et sacra elóquia legénti, per Levítam tuum Philíppum fidem et grátiam contulísti; ita fámulis tuis viam salútis osténde, qui tua grátia adjúti, bonisque opéribus júgiter inténti, post omnes viæ et vitæ hujus varietátes, æténa gaúdia cónsequi mereántur. Per Christum Dóminum nostrum. **R.** Amen.

Deinde Sacerdos adspergat viam et currus aqua benedicta.

Benedictio pontis novi.

V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum. **R.** Et cum spíritu tuo.

Orémus.

Adésto, Dómine, supplicatióibus nostris: et pontem istum, et omnes qui per eum transíbunt, bene ✠ dicere dignáre; ut inter próspéra

hujus mundi et advérsa tuo semper protegántur auxílio. Per Christum Dñm nostrum. **R.** Amen.

Orémus.

Exáudi nos, Dómine sancte, Pater omnípotens, æténe Deus: et mittere dignáre sanctum Angelum tuum de cœlis, qui custódiat, vísitet, et deféndat pontem istum, et omnes qui per eum transíbunt. Per Christum Dóminum nostrum.

R. Amen.

Deinde adspergat aqua benedicta.

Benedictio fontis.

V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum. **R.** Et cum spíritu tuo.

Orémus.

Súpplíces deprecámur, Dómine, cleméntiam pietátis tuæ: ut aquam fontis hujus coelésti benedictiône sancti ✠ fices, et ad commúnem vitæ usum concédas esse salúbrem; et ita omnem diabólicæ tentatiónis incúrsum inde fugáre dignéris, ut quicúmque ex eo háuserint vel biberint, vel in quibuscúmque necessáriis úsibus hausta aqua usi fúerint, totius virtútis ac sanitátis dulcédine perfruántur, tibi que sanctificatóri et salvatóri ómnium Dómino grátias ágere mereántur. Per Christum Dóminum nostrum. **R.** Amen.

Fontem adspergat aqua benedicta.

Benedictio putei.

V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum.
R. Et cum spíritu tuo.

Orémus.

Dómine Deus omnipotens, qui in hujus pútei altitúdinem per crepídinem fistulárum cópiam aquárum manáre jussisti: præsta, ut te juvante atque bene ✠ dicente per nostræ officium funciónis, repúlsis hinc phantasmáticis collusióibus, ac diabólicis insídiis, purificátus atque emundátus semper hic púteus persevéret. Per Christum Dóminum nostrum. *R.* Amen.

Puteum adspergat aqua benedicta.

Benedictio ignis.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Dómine Deus, Pater omnipotens, lumen indeficiens, qui es cónditor ómnium lúminum: novum hunc ignem sancti ✠ fica, et præsta; ut ad te, qui es lumen indeficiens, puris méntibus, post hujus sœculi caliginem pervenire valeámus. Per Christum Dóminum nostrum. *R.* Amen.

Deinde adspergat aqua benedicta.

Benedictio fornacis calcariæ.

V. Adjutórium nostrum in nómine Dómini.

R. Qui fecit cœlum et terram.

V. Dómine, exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Omnipotens ætérne Deus, a quo ómnia creáta procedunt, et qui mirábili dispositiõe bonitátis tuæ eis tribuis ad usum hóminum inservíre; qui olim altáre tuum de lapídibus constructum calce levigáre jussisti, ut per Deuteronomium in eo scriptum tuórum servarétur memóriam mandatórum: te súpplices exorámus, béne ✠ dic hanc fornácem, et ab ea longe repúlsa omni versútia diabólicæ fraudis, fructuósam reddas illam et aptam; ut per ignem vim virtútis suæ exercéntem aptatóres hujus óperis de tua benignitáte calcem recípiant congruéntem; quibus étiam tribue, ut in eis simul crescat tuæ grátiae salutáris augméntum. Per Christum Dóminum nostrum. *R.* Amen.

Adspergatur aqua benedicta.

Benedictio fornacis fusoriæ metallicæ
vel coctoriæ laterum et tegularum.

V. Adjutórium nostrum in nómine Dómini.

R. Qui fecit cœlum et terram.

V. Dómine, exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Omnipotens ætérne Deus, a quo ómnia creáta procedunt, et qui mirábili dispositiõe bonitátis tuæ eis tribuis ad usum hóminum inservíre; qui modo coércens vim flammárum tres púeros in camíno ignis illæsos custodísti, et modo illam adúgens viros illos, qui sanctos míserant in fornácem, consumpsísti: te súpplices exorámus, béne ✠ dic hunc clíbanum, et ab eo longe repúlsa omni

versútia diabólicæ fraudis, fructuósum reddas illum et aptum; ut per ignem vim virtútis suæ exercéntem aptatóres hujus óperis metálli matériam recípiant congruéntem (*vel láterum vel tegulárum cópiam recípiant congruéntem*): quibus étiam trí-bue, ut in eis simul crescat tuæ grátia salutáris augméntum. Per Christum Dóminum nostrum.

R. Amen.

Et adspergat fornacem aqua benedicta.

Benedictio seminum.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

De rogámus, Dómine, ac pétimus: ut hos fructus séminum bene ✠ dícere, plácido lenis auræ afflátu fovére, rore cœlesti fœcundáre, et incólumes propter usum animárum et córporum ad pleníssimam maturitátem perdúcere dignéris. Per Christum Dóminum nostrum. *R.* Amen.

Deinde adspergat aqua benedicta.

Benedictio horrei seu segetum demessarum.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Dómine Deus omnípotens, qui de rore cœli abundántiam, et de pinguédine terræ vitæ substántiam homínibus conférre non désinis: piíssimæ

majestáti tuæ pro colléctis frúctibus grátias ági-mus, tuam cleméntiam exorántes; ut has ségetes, quas de benignitáte tua suscepimus, bene ✠ dícere, conserváre, et ab omni noxa deféndere dignéris: simulque concéde, ut quorum in bonis replésti desidérium, de tua custódia gloriéntur, misericórdias tuas sine fine collaúdent, et sic tránseant per bona temporália, ut non amíttant æténa. Per Christum Dóminum nostrum. *R.* Amen.

Deinde adspergat aqua benedicta.

Benedictio pistrini.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spírítu tuo.

Orémus.

Omnípotens sempitérne Deus, qui in pœnam peccáti dixísti: In sudóre vultus tui vescéris pane tuo; béne ✠ dic pistrínium istud, quod ad teréndum fruméntum eréctum est, ut inde panis conficiátur ad nostram sustentatióem, Angelúmque lucis ac defensióis ei assignáre dignéris. Per Christum Dóminum nostrum. *R.* Amen.

Benedictio adulti ægrotantis.

Sacerdos cubiculum ægrotantis ingrediens dicat:

V. Pax huic dómui.

R. Et ómnibus habitántibus in ea.

Et continuo ad infirmum accedens subjungat:

V. Adjutórium nostrum ✠ in nómine Dómini.

R. Qui fecit cœlum et terram.